

آخر العشاق

أشعار بالعامية المصريه

محمود الطويل



آخر العشاق



العربية للدراسات والأبحاث

(تحت التأسيس)

ت / ٠١٠١٥٠١١٤٥

الكتاب : آخر العشاق

الكاتب : محمود الطويل

رقم الإيداع : ٢٠٠٤/٢٥٢٢

الناشر : شركة الأمل للطباعة والنشر

ت : ٣٩٠٤٠٩٦

الطبعة الأولى : ٢٠٠٤

جميع الحقوق محفوظة

الغلاف والرسوم الداخلية والإخراج : حازم بدوي

بيبان العشق

حَنِين

أحب ابتسامته شفائك شروق
يا شمسى وعيوني
وأحبك تكونى كما مصر فوق
وباعشق شقاوة سواد العيون
نحاسيه زى الدانات
صبيه
وباعشق حلاوتك
أحبك عقيّه

احن لحنانك
لضم الكفوف
للمس الضفاير
لطفلة خدودك بلون الكسوف
وباحلم ببيتنا
بضحك الضيوف
برعشة عروقي
بابني ف حشاكى بيطلع يشوف
انا وانتى والأرض
- عزمى الأكيد -
نطلع شمس فجر جاى من بعيد

سبتمبر ٧٢

آخر العشاق

أجرى ورا الوهم المهاجر فى العيون السود ..
مراكب حيره والشطين ظنون
يا نهديك المجنون
يهمس ،
وستر الليل طاوينا ، والسكون

- مشتاق
- أنا المغرم صباه وآخر العشاق
واقف على الباب اللي راصده الجن ، وانتى
لهفة العطشانه تنهيدة وصول
إن عدت مقتول ، ..
وان أنول
بينى وبينك حل سر الطوطم المسحور
- فؤادك -
والدخول

١٥ مايو ٨٩

يجوز نقد

عيون الفجر بتفتّح
براعم خُضر
والأشواق
ندى بيقابل العشاق
بتغريد الصبايا السمر
وتصبح
وتدعيلك
أتمنى يطول العمر ..
واديلك
واطرز بالغناوى شواشى منديلك

- أحبك
والسنين بتمر
- أحبك
وانتى ف ضلوعى
ريبعى الجى متأخر
على مهله
يجوز نقدر
واكله
عيونك بالفرح والنور

١٧ مايو ٨٩

قمر السنادى

غريق
ويرمىنى الكلام ف عنىكى دايماً للغريق
تايه ..
وتاه عنى الطريق
أنا القلب الجرى

عدّی المسا علی بابی یتهدّی

نادی

بآلاف الحکایات المعّاده

واربت أنا بابی

كان الطريق مَوْحُول

لا شفت أحبابی

ولا باين لی وصول

ولا عندي زواده

قمر السنادی عجوز

...

والليل بیتمادی

مايو ٩٠

البقاء لله .. والوطن

لا خَدَّ عزايا حَدّاً
ولا حدَّ عزائي
قتيل عيون الوطن
ملفوف بالحنى
واقف على دفتي
شايك صدى كلمتي
واحد ماليش تاني

١٩ أغسطس ٩٠

الْحَمْلُ

يا سلام
على رعشة قلبي لحظة ما سمعت كلامك
- أنا حامل
- الله.....ه
- إنما خايفه

وضحكت ساعتها لأوهامك
وجريت على أوضة النوم
من تحت دو لابتها المكسور
طلعت ميزان ووزنتك
ولعت النور
قلعتك كل هدومك وفضلت أدور
حوالين القمره العريانه
آه يانا

- الحمل صحيح بيغير
- ما حقتش
- ما انتش دريانه
بُستك فى القوره
ورفعتك بين ذراعاتى ولفيت
يتبارك بيكى البيت

ومسكت مازوره
وكاني حكيم بيقبس
(والراس مطبوره ..
.. بكلام عراف)
الصدر
البطن
الأرداف
.....
وبدأت أخاف

١ نوفمبر ٩٥

بيان العشق

ما بين الضرب والغايه
كنت عجوز وياتصابي
يفز التهدد..
يتغابي
يلاعيني
وكان الهم تاعيني
عتام الليل بييرعيني
أهين يابا

وكنتی نظره هیابه
وانا الخطوه الی مرتابه
وكنت زمان
لكنی الآن ...
بایه حتفیدنی افکاری
شفايفك شعلت ناری
وفاتنی
كالون الباب بیاغتنی
وعصفوری
بینقر فی الحجر،
غیتنی
بیان العشق ماتصدش
لكن بایک ما بیردش

مایو ۹۶

تلاوته بعد نُص الليل

وسلم بيتكم العالى
قُبالى
إنما ضلّمه

واخاف اعتَر - أنا العارف بدرجاته -

بجسم الحارس النائم

على عتب الببيان طهقان

بينعي دنيته الظالمه

وقلبي طير وكان فارد

جناحه للسما ..

ضمه

يرفرف واللقاهمه

أهين يامه

ماعادش العمر يتحمل

ليالي كلها مناهده

متاهه والعيون شارده

وراحه البال مهيش وارده

ياوالده والعيال مقاتيل

تَلالَى وَكانَ سَمَعُنا تَقيل
يا بحر النّيل
عجوز ماشى مع اللّمه
بيدعى تَفْرِجَ الغَمه
ونور البدر بيعد الفلنكات الخشب وَحَدّه
هزيل شوفه على قَدّه
يكُدّه الصّعب وان سَهَلتْ بَتَهْدّه
تلاته بعد نصّ الليل
وأسفلت الرصيف أنّه
برته ..
ريحه الجتّه ..
عُنا المِواويل

١٦ سبتمبر ٩٦

طناش فى الأبلكاش

قالك طناش فى الأبلكاش
سلم لى ع اللى راح ماجاش
خرقة قماش ومخرمه
السلم والا المقرمه
ملعون أبوكو ناس يخيله مقرمه
مين اللى قال ان الدما
راحت بلاش
أو قال طناش

برويطه في ايد الاجير
دماغنا والتعمير بخير
أما المقطم طنطنه
مستوطنه
اتنين تلاته أربعة
مايهمناش
الأرض ياما والكباش
يا واش يا واش
فان كنت ناوى
والا هاوى
والا غاوى تعيش بلاش
خليك أمير والقبل كاش
واعمل طنناش

ابريل ٢٠٠١

1. The first step in the process of creating a new product is to identify a market need. This involves conducting market research to determine what consumers want and what problems they are trying to solve.

2. Once a market need has been identified, the next step is to develop a concept for a product that meets that need. This involves brainstorming ideas and selecting the most promising one.

3. The third step is to create a prototype of the product. This allows the designer to test the product and make any necessary adjustments before moving forward with production.

4. Finally, the product is manufactured and distributed to the market. This involves finding a manufacturer, setting up a distribution network, and promoting the product to potential customers.

عيونك أصل موالى



ومين غيرك يناديني
وارد عليه

يمد أيديه
أضم الكف على إيده
يريدني قد ما ريده
واحن إليه

أنا وانتى حروف الكلمة والمعنى، وعصف الريح
أنا وانتى
وعشق الأرض يجمعنا غنا وتسبيح
عيونك فرحة الأغصان
على جبين الربيع طالعين
بترقص فيهم الأزهار
وتتمايل شمال ويمين
عيونك جنتى والنار
نهاية ليل طالع له نهار

حدود الأرض والمنفى
وهى السر والتصريح

تعالى خندق العشاق
برغم القهر والعسكر
وطنى غربة الشعراء
عيونك حلمنا الأخضر

كما يحلم تراب بلدى
بنحلم بالدفا والنور
يشق العتمه ويعدى
يصبح ع البيوت بالدور

ونمشى وحلمنا فى القلب شايلينه

لَيَعْتَرِ عَسْكَرِي فِي الْحَلَمِ وَيَدِينَهُ
يَسُكُّ عَلَيْهِ
يَهِينُهُ جَوْهَ زَنَازَنِهِ
وَحَلَمِ النَّاسِ
بَلَوْنِ الْقَمْحِ وَالْدَّانَةِ
وَنَظَرَةِ عَشْقِ دَفْيَانِهِ
تَزِيحِ اللَّيْلِ
إِذَا مَا ضَمَّتِ الْمَوَاوِيلَ
وَبَاسَمِ النَّيْلِ
حَلِيبِ نَهْدِكَ يَرْوِينِي
مَافِيْشِ بَيْنِي
وَبَيْنَكَ يَا ضِيَا عَيْنِي
سِوَى الْكَلِمَةِ الَّتِي مِنْ صُلْبِي
تَقْرَعُ ...

تملا دنيانا

وشفنا الخير كتير عناوين
بتملا صفحة الجرائد
كلام وحديث
ولا حواديت
أنا وانتى ومبين حبيبت
فقارنى ومغروسين فى الغيط
وبنوالى
شقا لو فى جبل ينهد
ونغزل فى الدرا ونمد
وساعة الجد ما نبالى
عيونك أصل موالى
أنا المجنون

بكاف وبنون
ويحلالى
أضم الأرض يحلالى
تعالى ياندا مسموع
تعالى بقهرنا والجوع
حيطان المخبرين بتميل
وهمس الخلق بات مسموع
يبات الفجر متدلى على زويله، عيون الخلق، والبهتان
عساكر فوق ضهور الخيل
تمد الليل
على المخاليق وع الجدران
تأخذنا الضلمه وتجيئنا بلا حيله ولا عنوان
سوى مواويل
بتنعى فجر تنه قتيلى، ومتدلى

كأنه أدان
على مادنه بلا جامع
ومين سامع
بطول الحاره والشارع
يضم الخلق ويوتى

ويرجع تانى يتسحب...
يدور حوالين يبين دارنا
وكان الليل مسهرنا
نداوى جرحنا الصاحى اللى كدرنا
ولا كناشى فكرنا
بان الضى حيحينا
ولا لبنا
ولا حيدق فوق الباب

فتحننا الباب
ما بين الضى والعتمة
مسحنا عينيها بإيدينا
لقينا كل أزهارنا
بتضحك للندى...
وتضم أسرارنا

تمت في ١٢ مايو ١٩٨٩

أول المبتدأ

إلى روح الشيخ إمام

سوال

يا عم ياللى كلامك مَلَمَسْه حنين
طايل منين شَتَاتْه لا صَعْب ولا هَيْن
دانا اللى نازل منازل حَسَّها حزين
ودقت شِدُوك ، فؤادى رقص المواويل

شَالَتْ وَحَطَّتْ - بالدَّوَا - جناحاتها ف ضلوعى
تَحْجِلُ وَتَتَقَلُّ بِخَيْفِهِ تَلْمُ لى دموعى
وعرفت يوم السفر ، طب إمتى مرجوعى
ياللى طويت السما وبدرتنى فى الليل

أفرش فؤادى بلادى وارجع من الأول
أنقش بساطى بلون الفرح لو نول
العندليب رقصته، والوعد ، ما اتحول
أول كلامى غرامى واعشق الزغاليل

تطرح حدود الصبايا فى الكفوف حنّه
أربع شقايف - شقايف - يغزلوا جنّه
ترمح خيول النهود ، طب فىن مهورهنّ
قطر الندى لو بدى ، أسمىر وعوده نحيل



من أول المبتدا و«امام» نا كان ناير
شلال تفيض غنوته، شق البلاد داير
يكوى ضمير الولاد ويبرشده الحاير
والموت ماهوش منتهى.. لو كنت حر اصيل

يونيه ١٩٩٥

حوار

- علّمني جرح الهوى طعم الدوا بدرى
أنا وانتوا شمس وهوا أمّا الوطن، بدرى

* كان القمرونونو روّح ورؤحنا معاه
لا شافه بعيونه ولا شم عطر هواد

- هوه البكا بيفيد ياللى بتتعونى
والا اللقا مواعيد بتروح وتنسونى

* بحسب الفنا هادر مهما الضلام بيحل
ووقفت فى الشادر عيني ف عيون الخل

- خلى ما خلاشى فسات اللى راح والجى
وصبحت أنا ماشى فايت مغنى الحى

* واقف ومستتظر سامع أين العود
والدمع متحجر هوه اللى راح بيعود ؟

يونيه ١٩٩٥

تلاته .. من قهوة حناطه

(١)
المعلم

وكان سعد صاحبى اللى قاعد حزين
على كُرسى لازِق فى وش الرصيف
بوجهه الأليف
وجسمه النحيف
معلم بيحكم جنينة الشريف

وصوته المحشرج بيحلف يمين
على عصر وتي بسرّه الدفين
- الله ف سماه

ولا اعرف سواه
ويبدأ يجر جر فصول الروايه
حكايه ف حكايه
تلعلع شياشى المعسل معاه
وترجفنا تسعة ليالى الخريف
وصوت المنادى الأجهش البعيد
يبيع الجرايد..
وايه الجديد؟

- ح اقولك حكايه وماتضحكش منى
ودا مش لأنى باهرج معاك
عزيت البرارى ومن صغر سننى

عجنت الشقاوه ..
قاوحت الهلاك
وشلت الحياه فوق دراعى لكتى
باخاف الضلام
ويسرح بعيد وابتسامه عيونه
ترقص جفونه
كانه بصحيح اتفاق السلام
- وجدى ابراهيم اللى حارم عياله
على الدهر أرضه، وفاتهم شتات
.....
لكين الأكاده عليهم بنات
بتعمل حاجات
ياخدنى الطريق العميق غصب عنى
لاخر مداه

أتابع خطاه
وسعد إلى قاعد يعد الليالي
ويدعى الإله
بيغرق في حلمه بمليون دولار
يسدد ديونه..
.. ويرجع حمار

٢٤ سبتمبر ٩٦

(٢)
الجرار

ورامى العنيد
هجين وجه بحرى والصعيد
ماهواش حزين
ولا كان سعيد
لكنه يوماتى يوالى الحياه
دا أمر الإله
وكان مر مطون عند عبد الشهيد
يطوق ليلا تى قزاز الركائب
يكرس معسل ..
يسيق زرايب

وبعد المناهذه فى آخر المطاف
بياخذ فى حضنه رجوله النحاف
ويغطس فى ركبته ..
ومن دون لحاف ..

ورامى ذا اسم الدلع مش حقيقى
وابو صيام دى كنيه
ورمضان .. صديقى
وسنّه ؟ غريبه ماتقدرش تحكم
فى سن المراهقه .. فى سن المشيب
فى سن اللى ودّع وقرب يغيب
لكنّه ما إنّه بيسمع ندا
فى هسه يلبي كانه الصدى



فى لحظة تصافى ما بين المصالح
لمح سعد رامى
سقيف .. مقاوح
وقاسه بعين الخبير الخويط
وسعد - المعلم - ..
.. برغم الطيايه - ماهوآش عبيط
ولا هوش بسبيط
- تعالى يا ولد
تعالى وهمل جميع ما فى يدك
واسمك وستك وناسك وبلدك
يوميتك وكذك
برم سعد رامى وعكم أخينا
وشاله وحطه وصف له الكازينا
ورامى الغريب عن حواري المدينة

يومين رجليه جابت لقهوة حنطه
بيحلم بفرشه وسقف وبلاطه
ويشرب له صنعه
وكان المسا غطى كل الكراسى
بلون الوجوه اللي كألها الصدا
ونتور عليها حبابى التراب
وكانت بتضحك
- دا فيما مضى -
وكانت شباب
وخدها اللي ممكن
وخدها المحال
ورسمت آمال
وعلت بيوت امتلت بالعيال
وعاشت حكاوى اتبنت ع الرمال

وغطست فى شيش بانج دو أو جُهار
بتغسل همومها وكد النهار
تولع حجاره تطفئ المرار
ورامى اللى فات البلد لسه طازه
بيبرم ما بين الجميع كل ناحيه
يتابع أمور الشياشى اللى صاحيه
ويحسب قروشه
وامتى حيرج لنجع المعنى
يداوى العليل اللى بطل ين
ويطعم رضيعه اللى قاعد يزن
ويمكن لو أن
تسير الأمور بالعدل عكس ما هي
- وياخده التباهى -
يسكن عباله فى مصر الجديده

ويطلع بأمه تأدى الفريضة
وفى منتهاه
بيرفع عيونه تقدم عريضة
وكف المعلم تطرق قفاه
يصحح سى رامى يوالى الحياه
وبعد المناهده فى اخر المطاف
بياخذ فى حضنه رجوله التحاف
ويغطس فى ركبته..
ومن دون لحاف

سبتمبر ٩٨

(٣)
الزبون

يا عم عدلى وانحنيت
من كُثر ما شايِل سنين
وانت اللي جيت
عز الليالي وانكفيت
ع الطاولة ترمى الزهر يعكس..
تبتس ..

ييجى انتشيت
ولا عمرى يوم شفتك بكيت

- يارامى ولع لى الحجر

ومن بعيد

- لمج البصر

- سبعين سنه

سبعين سنه يا سعد ولا فتش أثر

سبعين سنه بازرع ولا نبت شجر

- ولع يا حاج

- شكراً

- تمام ؟

ويقص رمضان الكلام

- اخرس يا واد وانجر امشى اختشى

سيب المقدس ينتشى

ويشد ..

يلقى الدنيا لابسَه شفتشى

ويشد عدلى والغباره نغشيت

دارت بعقله غبشيت

قادت فوانيس العيون

عدلى اللي عاش خايف يكون

ويخاف يكون خوفه انكشف

ضارب لسانه بالقشف

طول السكون

فكك صواميل الجنون

- طول عمرى ماشى فى الحذا

لا قلت كيت ولا كنا
تميت ملف الخدمه من دون يوم جزا
ولا فت فرح ولا عزا
وابعد عن السكه الأذى
حتى إذا ..
أصلاً ماليش فى الترفزه
قال إبراهيم التريزى ع الكرسي المجاور ميتسم
- لأستده
ضحك الجميع ..
وسعد لسه بيترسم
يزعق وصبيان الصعايده الممصوبين
عاملين ودانهم من عجيب
والراديو يبشر الأغاني الميتين
لا عرفنا مين يسمع ولا بيغنى مين

وعدلى بيكر السنين
يجتر همّه والتعب
- طب خدنا إيه؟
يقطع عليه هُدهد بصندوقه الخشب
- ورنيش يا بيه

سبتمبر ٩٩

لا قينى ع الشفه

تعالی

تعالی یالی
دایمآ تملی
حُبِّک یخلی
عقلی جنون

يُبْدِرُ سَعَادَه
سُكْرَ زِيَادَه
وَيَدُونُ هَوَادَه
يَمْلَأُ الْعَيُونَ

أَنَا وَأَنْتَى فَرْحَه
فِي الدُّنْيَا طَارِحَه
وَالنَّسَمَه سَارِحَه
فَوْقَ الْغُصُونِ

بَتَغْتَى غَنَوَه
فِي الْحُبِّ حُلُوَه
وَأَنْ قُلْتَ أَهْوَى
زَهْرَ اللَّمُونِ

بيقـوـلـى ياللا
الوعـدـه هالـه
تلحقـها و الـا
عندك ظنـون ؟

أنا قلت حـالـاً
ما فيش محـالـاً
لا عندى مـالـاً
ولا بـنـون

٩ يناير ٨٩

لاقينى ع الشفه

لاقينى ع الشفه يوماتى
بلج سمانى وأمهاتى
يا عروسة البحر العاتى
لاقينى ع الشفه يوماتى

أنا الأديب وانتى قصيده
عشمانه فى دنيا جديده
على نغمه كرد وبياتى
لاقبنى ع الشفه يوماتى

كروان على بيتشطر
ع الغصن حط بيتمخطر
ويوشوش الفجر الاتى
لاقبنى ع الشفه يوماتى

مسيل على خدى وباسه
ودراعى ماسك على فاسه
عرقى اللى خضر نباتاتى
لاقبنى ع الشفه يوماتى

أحضن سماكى وبتأخِر
والقَفْ هواكى من الآخر
أعلى وتر فى كمنجاتى
لاقينى ع الشفء يوماتى

دارينى ف عنيكى السوده
أنا العجوز اللى ف روضه
وباشتهدجاكى حياتى
لاقينى ع الشفء يوماتى

لاقينى ع الشفء يوماتى
بلح سمانى وأمهاتى
يا عروسه البحر العاتى
لاقينى ع الشفء يوماتى

٣ مايو ٨٩

شرع الوداد

مشيت إليك عمري
وخاصمت فيك الناس
راح وانتهى أمري
وانت قمر وناس

ضحك الزمان مرّة
ورمى ناني بالموال
شمرع الوداد نظره
نسّاني راحة البال
دخل المساجارح
وانا بناجي عيينيك
سهران من امبارح
يسألني بكرة عليك
ألوم عليك الهوى
والا أممـد الإيد
أحضن جراحي ودوا
جرحي بجرح جديد!؟

يوليو ٨٩

زفوا العروسه

زفوا العروسه للعريس
بالطيبه والزماره
وعلقوا الفوانيس
داير ديار الحاره
ليل الشتا وتى
وهاله شمسنا

شایله الدفا والله
تصحی نفوسنا
نحضن بشایر فرحنا ..
ونغنی
اللیله دی مین زینا ..
متهنی
دقت مزاهرنا ..
والنقرزان ..
والطاره
کادت عوازنا ..
وان کان ضروری أماره
آدی العروسه والعریس
زفوا العروسه

۱ ینایر ۹۲

نُص الواحدہ

رقّصنی علی نص الواحدہ
مش واحدہ ولا واحدہ وتلتین
وان کان ضروری من الواحدہ
نقرلی واقسم ع الاتین

خلينى ازغزغ لك يومى
يضحك ولا الديك الرومى
بارم شنباه الفيومى
غاوى النقار غاوى مناهده
رقصنى على نص الواحده

ماتىالله نفرح وكفايه
وتدعى حبايينا معايا
يتملّوا من طرح هوايا
من بعد عزوبيه ووحده
رقصنى على نص الواحده

أنا وانت والدينيا تَرَلِّي
تلاته تلتينهم ع اللى
تلت التلاته وكان قال لى
وعيونيه نظرتها موده
رقصنى على نص الواحده

رقصنى على نص الواحده
مش واحد ولا واحد وتلتين
وان كان ضرورى من الواحده
نقر لى واقسم ع الاتنين

٣ يناير ٩٢

أَمَلَهُ

1. The first part of the document is a list of the names of the persons who have been appointed to the various positions of the Board of Directors of the Corporation.

2. The second part of the document is a list of the names of the persons who have been appointed to the various positions of the Board of Directors of the Corporation.

حَطّ المسا بارد لنيم
بيدق باب بيتنا القديم
إمتى الليالى استأذنت؟!
دا الليل غبى
لم عمره يستأذن..
ولو على باب نبى

حَطّ المسا والباب حديد..
أخضر..
وكان من دون جرس
لكنه ما عرفش الخرّس

ولا رد ملهوف استغاث

سواء رزيل..

أو ابن ناس

حط المسا و كانه عارف سكتته

خطى العتب

شجرة جوافه

بسمله..

رف الكتب

كل الصور جوّه البراويز الخشب

بهتانه وآلا بتنتجب!!؟

والا الضيا - فى السر - حن لرقدته،

داخل زعابير الضلام،

ورجولى شابكه ف خطوته!!؟

دخل المسا ربيح على كتف الجدار
ولا فيش زمن مع لا انتظار
وأدى النهار
يسحب دموعه وضحكته
- وقف يا ليل
ميلت ع الجسد التحيل
ورفعته بالذراعين لصدري..
للذفا
وعدلت على خدى الجبين اللي انطفأ
- بلاش دوا
- طب نص معلقة العسل..
يمكن شفا
- سايقه عليك المصطفى
إرحمني يا محمود... كفى

ما عُدَّتْش اتحمل خلاص
ربيت كثير
ودا ديت كثير
وقابلت شر عملت خير
وأدينى وحدى - والعجز - ..
فوق السرير

هم المسا يفرد جناحه ع الحيطان
شفت العيون بتبص لى وما تبصليش
شايفانى والآن بتخطى المكان؟
كان عندنا شجرة كافور
والقرن فى يوم الحبيب
تتلم له كل الجيران
تصحى البيوت ويأ الأذان

فاتحه البيان
ندخل هنا نطلع هناك
سن الشقاوه والأمان
- يا أمّه ناوليني الرغيف
- ما ما يتقوّلُ يا أمّه هاتى نص جنيه سلف
- يا أمّه هدتنى العيال
وابو العيال..
- مالوش لزوم
يا أمّه وتشيلى الهموم
وتقسّمى صبرك وطيبتك
ضحكتك
وتقسّمى حتى الهدوم
قام المسا يتمّطى..

يكبر..
والضلام
يخفى وجوه متجمعه
والصالة - تسعه ف تسعه متر - مربية
والخلق مالبها الدعا
رافعه الكفوف - تبكى - على باب السما
كان الأمل بذره ونما
لكنما
ضل ف سواد الليل فى ديل داع دعا
فرع الجوافه انحنى ميل فى حضن الباب
لأن الحديد للشجر..
من فرقة الأحباب

أكتوبر ٢٠٠٠

تخاريف

أنا قلت الزمن اتجنن
ويتغمز ليَا عيونه
همّيتله قاللي يحنن
واتهز وعاد لسكونه

٩٣/٩/١١

البدر همس لي وقال
يا بو حنفي خلاص واهي راحت
أيامك عودها محال...
كركرت لنوره الباهت

٩٣/١٠/١٥

أنا شفت ان العصافير
بتزقزق للحريه
فارد جناحاتي حاطير
الفيخ هبش رجليــــه

٩٥/١٠/٣١

وقالو لي الدنيا بخير
صدقت اكمتي غبيط
رايح وياها باطير
راجع على ضهري غبيط

٩٥/١٠/٣١

سهران والفجر بينعس
وف ايدي كتساب اقراه
فاكر - وانا مخي متربس -
ان العالم جـوآه

٩٥/١٠/٣١

قلت ارمي الزهر في مره
يمكن منحوس واتفك
اتدالج ضهر وسره
وزنقني ف خانة اليك

٩٥/١٠/٣١

طبييت ولاحد اتيسم
ولاشاننى وقال مبروك
راجع حفيان مستسلم
من بعد ما كان ... مبروك

٩٥/١١/٧

طربوش وزره اتنزع
قلتى دا زر فاشوك
طب عمه شالها اتمزع؟!
العيب فى صلعة ابوك

٩٦/٩/٢٥

حوالين الخشبه ورود
والميت مش ع البكال
صدقت - وانا الممدود -
مش كل الخلق رجـال

٩٦/٩/٢٦

بَرَطَعَتْ يَمِينٌ وَشِمَالُ
وَانْشَأَتْ لَفُوقَ وَنَزَلَتْ
وَمَا شَفَتْشِمُ الْغُرْبَالِ
لَكِنْ بَصْرَاحِهِ.. أَمْنَتْ

٩٦/٩/٢٧

عَصْفُورٌ يَضْحَكُ وَالتُّونُو
بِيعِيظٍ مَشَى دَرِيَانُ
الْكُونُ كُلُّهُ صَغْنُونُو
وَكَبِيرُ قَلْبِ الْإِنْسَانِ

٩٦/١٢/١٨

صَوَصُوتٌ سَمِعَتْ صَوِيْتِ
دَا الصَّوْتِ وَالْأَصْدَى
بَصِيْتِ فِي مَرَايْتِي جَرِيْتِ
مَنْ شَكَلَ الْعَرِيدَ

٩٦/١٢/٢١

خدتها بالطول والعرض
رهوان ولا حشدش قدى
وأخيراً جاني الرد...
مسكين ودواك مش عندي

٩٦/١٢/٢١

سلطان مشغول بهوممه
شاعر مجنون مسحور
دا الخوف بيغفرك يومه
ودا قلبه يشعشع نور

٩٦/١٢/٢٦

أستاذ كبير مريسه
زعق فى تلميذه
قال له الحياه كويسه
هز اللعين ط.....

٩٦/١٢/٣١

الخلق دا جای دا مسافر
والکل حزین مهموم
مع إن لا داخل عافر
ولا خارج تارك يوم

۹۷/۱/۵

کراکون والناس داخلین
دا العبد ودا المأمور
احترت. الأمر مین؟
... ولکل دماغ طرطور !

۹۷/۱/۱۷

أنا بحر بسیط وعبیط
لکن لو قام له قیامه
إن تعمل فیها حویط
تتشددل فی الدوامه

۲۰۰۰/۸/۸

آه يا وطن

إنسىَّ حال العرب

أنا كنت قلت زمان
فى الأبجدية حروف
إن اللى خان معروف
راكب حمار الغباء
برطع مع الأعداء
وأنا قلت ع المكشوف
لما يزيد البلاء
يبقى الفداء موصوف

أدى العراق مشتاق
والشمس مش طالعه

والضلمه حاكمه الخناق
تحت السما والعه
والضرب فى المليان
لم يرهب الإنسان

غرى الخازوق للأمريكان ع المهل واتأتى
دبور غبى مفترى
والعش على زنه
فى عز نار الحريقه
ما سملناش أنه
قتل العدو عندنا
له ألف سكه وطريقه
والرعب من أرضنا
يخلق نيرانه الصديق

أزى حال العرب والأنظمة الحاكمه
يعدين ما شقوا الترب
ونظروا العتمه
لاضرب يفرض هواده
ولا موت بيردى الإراده
النصر متهر الشهاده
والعبره بالخاتمه

هرت جميع الأنظمه
لما ارتفع صوت الشعوب
لا للحروب الظالمه
والنصر حتما للشعوب

مارس ٢٠٠٣

مبین علی بغداد بیفاخر ؟

انتہاء القدس یبدأ بالعراق
فاسمعوا وعوا الخریطه
کامب دیفید فصله قبل الایتهاء
فرغت للجای أعلامنا العبیطه



مين على بغداد يفاخر
كلنا في الصف مقتول الأمل
كلنا دُرنا بمباخر
واكتفينا بهز أُرْداف الجُمُـل

كلنا في الذل يا أهلي عرب
انتصرنا وانكسرنا وانفتحنـا
فاتنخلنا واتعجنا واتدبحنا
لما شب ولب يوم الكامب يمضى باسمنا..
ينزع سلاحنا

يقتل فرحنا

٢٠٠٣/٤/١

إنتباه

إنتباه
وتوتوا فى القلب صورة الوطن الكبير
السرّ ذاع ولا عادش بير
كل الرؤوس فى الأنظمه قد أينعت
واسرائيل قد صنّعت
بوش الصغير
يجنى ثمار الطنطنه
والعننه
والفرعنه
وسنين طويله من الهوان
والمسكنه

ولفين أروح
وانا كل ما داوى الجروح
أزداد جروح
وجوه كثير ما فيهمش روح
رافعين رايات لكاتب ديفيد
بيضا من غير أى سوء
وشارون يسوق
والمهزله
تزييف أصول المسأله
لكنى وبرغم العمى
بالمح ملامح الشوارع ملحمه
«ليبك يا علم العرويه كلنا نفدى الحمى
ليبك.. واجعل من جماجمنا لعزك سلما»

أوائل أبريل ٢٠٠٣

ضميت همومى هنا

من سنين
أصحى على شمسين وصوتك والأذان
- يا صباح الخير يا حوده
- يا صباح الخير يا سمره
أرفع الغطيان..
ودش الميه، معجون السنان
أصنع القهوة التقيكى
ضلفه الشباك فتحتها لنور الصبح..

تدخل ضحكته تملأ المكان
تصحى البصيره، والبصر
يسبقنا ويضمّ البراح
ويلم أطراف الجراح
ويصرّها ف منديل
فى جذع نخله تميل
تبوس النيل، وتشرب
مياه على سكة سفر
بتشيل..
وتغسل ياما لم تترك أثر
غير العمار
محلا النهار
أفردك الفستان تكونى رتبتي الورق
ونسختى آخر الأشعار

وجَهَرْتُ الفطار

-- بسم الله يا محمود

-- بسم الله

والجوده بالموجود

محلا النهار

واحنا سوا يحلا النهار

حتى ان بدأنا بالنقار

من سنين عشقك برق

شق الضلام

قنديل وفي

زيتته العفى وضاء

سميتك أعذب الأسماء

النهارده قلقت متأخر
لا سمعت صوت الأذان
ولا صوتك النعسان
ولا ضلك اتمخطر

بيتنا وعمر الزمان ما هز أركانه
حتى في أحزانه
مال النعيب الغريب بيشق بنبانه

وسمعت صوت نهننه مكتومه في الصاله
فزيت
من غير مداسي جريت
أسأل عن الحاله
الدم لون العيون

والأهه رأكبه الظنون
والنشره شغاله
بغداد...
ما فيش
بغداد..
تراب ودخانته
تاهت حدود الوطن
بره وجوانا
وصرخت أه يا وطن
رد الوطن : يانا
«النار لا تؤتمن...
لا تشعل النار قرب الباب نعلسانا»(*)

سبتمبر ٢٠٠٣

(*) «موت حارس بوابة» - رضا الطويل

الفهرس

٥	* بيان العشق.....
٧	١- حنين.....
٩	٢- آخر العشاق.....
١١	٣- يجوز نقدر.....
١٣	٤- قمر السنادى.....
١٥	٥- البقاء لله والوطن.....
١٦	٦- الحمل.....
١٩	٧- بيان العشق.....
٢١	٨- ثلاثة بعد نص الليل.....
٢٤	٩- طناش فى الأبلكاش.....
٢٧	* عيونك أصل موالى.....
٣٧	* أول المستدأ.....
٣٩	١- موال.....
٤٣	٢- حوار.....

٤٥	* ثلاثه من قهوة حناطه.....
٤٧	١- المعلم.....
٥١	٢- الجرار.....
٥٨	٣- الزبون.....
٦٣	* لاقيني ع الشفه.....
٦٥	١- تعالى.....
٦٨	٢- لاقيني ع الشفه.....
٧١	٣- شرع الوداد.....
٧٣	٤- زفوا العروسه.....
٧٥	٥- نص الواحده.....
٧٩	* أمه.....
٨٧	* تخاريف.....
٩٥	* أه يا وطن.....
٩٧	١- إزى حال العرب.....
١٠٠	٢- مين على بغداد يقاخر؟.....
١٠٣	٣- انتباه.....
١٠٥	٤- ضميمت همومى هنا.....

محمود الطويل

*** إصدارات :**

- ١- لا بد مصر يكون لها رمز وعلم - بيروت ١٩٧٨ .
- ٢- مصر يا وطني - طبعة محدودة ١٩٧٩ .
- ٣- عيونك سكة الفقرا - الثقافة الوطنية ١٩٨٤ .
- ٤- طرح الهوى - النديم ١٩٨٩ .
- ٥- عريس لبننت السلطان (أوبريت عن مسرحية مسحفوظ عبد الرحمن) - الهيئة العامة لقصور الثقافة ٢٠٠٢ .
- ٦- رباعيات اليمامة - المحروسة للنشر والخدمات الصحفية ٢٠٠٣ .
- ٧- آخر العشاق - العروبة للدراسات والأبحاث - ٢٠٠٤

*** تحت الطبع :**

- أبجدية الأقصى